

Arkivnr: 2019/888-4
Saksbehandlar: Roald Breistein

Saksframlegg**Saksgang**

Utval	Saknr.	Møtedato
Kontrollutvalet		

Budsjett for kontrollarbeidet i Vestland fylkeskommune for 2020**Bakgrunn for saka:**

Lov og forskriftsgrunnlag:

Stortinget vedtok ny kommunelov 22.06.2018 og denne skal i hovudsak tre i kraft frå konstituerande møte i fylkestinget for Vestland fylkeskommune for valperioden 2019 – 2023. På bakgrunn av denne vedtok KMD 17.06.2019 ny forskrift om kontrollutvalg og revisjon som i sin heilhet skal tre i kraft frå konstituerande møte i ny valperiode.

Av denne går det fram dette av § 2 Kontrollutvalgets rolle i fastsettelsen av budsjett for kontrollarbeidet:

«Kontrollutvalget skal utarbeide forslag til budsjett for kontrollarbeidet i kommunen eller fylkeskommunen. Forslaget skal følge innstillingen til årsbudsjettet etter kommuneloven § 14-3 tredje ledd til kommunestyret eller fylkestinget.»

Drøfting:

I Vestland fylkeskommune vil kontrollutvalet ha ansvar for å utarbeide budsjettforslag for kontrollarbeidet i fylkeskommunen. Dette inneber at budsjettforslaget inneheld tal både for kontrollutvalet, ekstern revisor og sekretariat for kontrollutvalet.

Forslag til budsjett for sekretariat og kontrollutval baserer seg på erfaringane og aktiviteten i tidlegare år. I tillegg er det teke omsyn til at tal medlemmer i utvalet vert føreslått auka frå 5 til 7 medlemmer. Den nye fylkeskommunen er ein god del større i utstrekning enn i dei tidlegare fylkeskommunane kvar for seg og vil truleg medføre noko meir reiseaktivitet og med fleire overnattingar enn tidlegare. Dette er det også teke omsyn til. Vidare er det teke omsyn til innspel i felles arbeidsmøte mellom kontrollutvala i Sogn og Fjordane fylkeskommune og Hordaland fylkeskommune 01.04.2019 og 06.05.2019 som vil kunne påverke budsjettforslaget.

Tabell som presenterer hovudtala i budsjettet:

Kontrollutvalet 101000

		Tal i heile 1000 kr	
		Budsjett 2019	Budsjett 2020
400	Politisk styring og kontrollorgan	Bto. driftsutg. 2014	2248
		Driftsinntekter	
		Nto. driftsutg. 2014	2248

Sekretariat for kontrollutvalet 101100

		Tal i heile 1000 kr	
		Budsjett 2019	Budsjett 2020
400	Politisk styring og kontrollorgan	Bto. driftsutg. 5940	5375
		Driftsinntekter - 2450	-2200
		Nto. driftsutg. 3490	3175

Ekstern revisor 101200

		Tal i heile 1000 kr	
		Budsjett 2019	Budsjett 2020
400	Politisk styring og kontrollorgan	Bto. driftsutg. 5903	4643
		Driftsinntekter	
		Nto. driftsutg. 5903	4643

Detaljbudsjettet ligg ved som vedlegg.

Nedanfor har vi knytt nokre kommentarar til ein av dei største budsjettpostane i budsjettet til kontrollutvalet (101000):

Konto 27001 Andre tenster: Desse midlane er ekstra tiltaksmidlar som det er tenkt at kontrollutvalet kan disponere dersom det dukkar opp uføresette forhold som gjer at det må kjøpast meir ekstern bistand for å utføre kontrollarbeidet. Dette kan t.d. vera på bakgrunn av saker som vert omtala i media og som gjer at det må settast i verk ein forvaltningsrevisjon raskt. Det kan også vera andre ikkje planlagde aktivitetar som måtte dukke opp frå andre hald t.d. øvrig forvaltningsrevisjon, øvrig eigarskapskontroll og øvrig utgreiing.

Dersom kontrollutvalet ikkje har desse ekstra tiltaksmidlane til disposisjon vil det kunne føre til at kontrollutvalet må be fylkestinget løyve meir pengar før ein kan sette i gang ein ekstra naudsynt kontrollaktivitet. Kontrollutvalet utfører som kjent sin kontroll av m.a. administrasjonen på vegne av fylkestinget. Det er difor berre fylkestinget som kan løyve meir pengar til kontrollutvalet. I verste fall kan det ta opp til fire månader før neste fylkestingssete.

Det er ei målsetting at kontrollutvalet i Vestland fylkeskommune skal gjennomføre folkevaldopplæring saman med dei fylkeskommunale kontrollutvala i Møre og Romsdal og Rogaland fylkeskommunar i valperioden 2019 – 2023, slik det og vart gjort i dei to føregåande valperiodane.

Nedanfor har vi knytt nokre kommentarar til ein av dei største budsjettpostane i budsjettet til sekretariat for kontrollutvalet (101100):

65000 Anna avgiftspliktig sal: Sekretariat for kontrollutvalet vil frå 01.01.2020 ha ei stillingsramme på 5 årsverk. Forutan å vera sekretariat for kontrollutvalet i Vestland fylkeskommune har sekretariatet pr. i dag avtale med 17 kommunar, samt Bergen Kirkelige Fellestråd (BKF) om å vera sekretariat for deira kontrollutval. 8 av kontraktane har vi vunne i konkurranse med andre og dei gjeld fleire år fram i tid. Nokre av kontraktane vert automatisk forlenga med eit år om gongen dersom ingen av partane seier opp avtalen innan ein avtalt dato, varierende frå 01.09.19 til 01.11.19. Her er det alt frå nokre månader oppseiingstid til eit års oppseiingstid, rekna frå årsskiftet.

6 av kommunane er i samanslåingsprosess med andre kommunar slik at det etter samanslåing vil verta 4 kommunar igjen. Ein av desse har vedteke å nytta oss som sekretariat i framtida medan det ikkje er avklart enno for dei andre kven som skal vera sekretariat for kontrollutvalet deira. Det er teke omsyn i budsjettet til at det kan verta mindre inntekter dersom vi ikkje vert vald som sekretariat for dei tre andre kommunane.

Nedanfor har vi knytt nokre kommentarar til den største budsjettposten i budsjettet til ekstern revisor (101200):

37000 Kjøp frå andre (private): Som kjent er revisjonstenestene for Vestland fylkeskommune konkurranseutsett, tilbod er komne inn, evalueringa er ferdig og kontrollutvala skal innstille til fellesnemnda på val av revisor i dette møtet. Kostnader til revisjon er lagt inn i budsjettet med bakgrunn i dette.

Konklusjon:

Kontrollsjefen i Vestland fylkeskommune legg på bakgrunn av dette fram forslag til budsjett for kontrollarbeidet i den nye fylkeskommunen for 2020 og tilrår at kontrollutvala vedtar forslaga slik dei ligg føre. Dei endeleg forslaga vert å sende prosjektrådmann for vidare handsaming.

Forslag til vedtak

1. Kontrollutvalet godkjenner budsjettframlegga for kontrollarbeidet i Vestland fylkeskommune for 2020 slik dei ligg føre.
2. Dei endelege budsjettforslaga vert å sende prosjektrådmann for vidare handsaming.

Hogne Haktorson
kontrollsjef

Roald Breistein
utvalgssekretær

Dokumentet er elektronisk godkjent og har derfor ikkje underskrift.

Vedlegg

- 1 Budsjett 2020 - kontrollarbeidet i Vestland fylkeskommune - talldel